

JP Elektroprivreda BiH d.d. Sarajevo, Zavisno društvo Rudnik mrkog uglja "Zenica" d.o.o. Zenica, kojeg zastupa Edin Pašić v.d. direktora, s jedne strane, i **Grad Zenica** kojeg zastupa Fuad Kasumović, Gradonačelnik, s druge strane, zaključili su sljedeći:

S P O R A Z U M

o međusobnim pravima i obavezama

Predmet

I

Ovim Sporazumom JP Elektroprivreda BiH d.d. Sarajevo, Zavisno društvo Rudnik mrkog uglja "Zenica" d.o.o. Zenica (u daljem tekstu: Rudnik) i Grad Zenica (u daljem tekstu: Grad) uređuju međusobna prava i obaveze u procedurama dodjele koncesije za istraživanje i eksploataciju mineralne sirovine na području Grada, kao i realizacija mjera i aktivnosti definisanih Akcionim planom u okviru projekta "Prikupljanje i tretman otpadnih voda u Zenici" koji će biti finansiran sredstvima KFW-a i SECO, te održavanje i sanacija deponije jalovine.

II

Potpisnice Sporazuma konstatuju da je Gradsko vijeće, shodno zahtjevu Ministarstva za privredu/gospodarstvo Zeničko-dobojskog kantona na sjednici održanoj 08.02.2018. godine donijelo Zaključak o davanju, prethodne saglasnosti na mogućnost dodjele koncesije za istraživanje i eksploataciju mineralne sirovine na području Grada Zenica.

Tačkom II alineja treća definiran je uslov da "u dokumentu o dodjeli koncesije moraju biti definisani uslovi iz Akcionog plana koji su potpisani i prihvaćeni i od strane ZD RMU "Zenica" d.o.o. čime su preuzeli obavezu izgradnje postrojenja za tretman industrijskih otpadnih voda u tačno određenim rokovima a u okviru projekta "Prikupljanje i tretman otpadnih voda u Zenici", koji će biti finansiran sredstvima KFW-a i SECO", a osim toga mora se precizno definisati obaveza održavanja i sanacije deponije jalovine".

III

Obaveze potpisnica

Polazeći od zaključka sa sastanka održanog u Ministarstvu za privredu/gospodarstvo Zeničko-dobojskog kantona dana 17.07.2019. godine (Službena zabilješka broj: 04-34-11549-1/19), potpisnice ovog Sporazuma dogovorile su sljedeće:

1. ZD RMU "Zenica" d.o.o. Zenica će realizirati mjere i aktivnosti sadržane u dokumentu "Sakupljanje i tretman otpadnih voda Zenica, Obavezivanje i akcioni plan, MART, 2017. godine", tačka 2.1. i 2.6., Aneks A- 1-2 Akcioni plan-menadžment industrijskim otpadnim vodama- ZD RMU, u odgovarajućim rokovima".

ZD RMU "Zenica" d.o.o. Zenica će poduzeti potrebne mjere na održavanju i sanaciji deponije jalovine.

2. Grad Zenica će provesti potrebne procedure za izmjenu Zaključka o davanju prethodne saglasnosti na mogućnost dodjele koncesije za istraživanje i eksploataciju mineralne sirovine na području Grada Zenica

broj: 01-01-3801/18 od 08.02.2018.godine u smislu brisanja alineje treće iz
tačke II tog Zaključka, te isti dostaviti Ministarstvu.

Dokumentacija

IV

Sastavni dio ovog Sporazuma je sljedeća dokumentacija:

1. Službena zabilješka br. 04-34-11549-1/19 od 17.07.2019. godine,
2. Zaključak Gradskog vijeća Zenica broj: 01-01-3801/18 od 08.02.2018.godine
3. Dokument "Sakupljanje i tretman otpadnih voda Zenica, Obavezivanje i akcioni plan, MART, 2017.godine".

V

Sporovi

Potpisnice Sporazuma će sve eventualne sporove koji nastanu u tumačenju i realizaciji obaveza strana potpisnica rješavati sporazumno, a u slučaju nemogućnosti mirnog rješenja spora nadležan je Općinski sud u Zenici.

VI

Primjerci sporazuma

Ovaj sporazum sačinjen je u četiri istovjetna primjerka od kojih svaka strana zadržava po dva primjerka.

VII

Stupanje na snagu

Ovaj Sporazum stupa na snagu danom potpisivanja.

JP Elektroprivreda BiH d.d. Sarajevo
ZD RMU "ZENICA" d.o.o. Zenica
V.D. DIREKTOR

Edin Pašić



GRADONAČELNIK

Fuad Kasumović

Broj: 19888 /19
Datum: 19. 11. 2019

Broj: 02-49-19138/19
Datum: 15 -11- 2019